

子良詩存

子良詩存卷五

番禺馮詢

蔡小園

惟淦

屬題垂釣圖照

幽人蹤跡英雄事料理一竿聊寄意亦知不爲羨魚來  
世閒除此無閒地釣亦不必得得亦不必賣人泯機心  
魚亦快君旣知魚樂亦復知魚愁風波無處無釣舟多  
少殘鱗兼敗甲網羅誤入嗟何及願君爲我存此心莫  
使枯魚過河泣

小園習刑名時予延就幕中  
常示予以此意故詩中云云

示詒盛

喁喁日舐犢我真爲老牛朝朝牽重車至暮不得休爾  
是初生犢英奮當昂頭倘見犢不才老牛能勿憂

爾母傷早逝爾方五歲身維時兄與妹並爾有四人未  
幾殤其三孑然獨爾存今已歲十七望爾情倍殷繼母  
及眾母愛爾如寶珍無非體念我謂我心酸辛爾若坦  
無情何以對爾親

讀書縱不成家事要料理持家在處世世情薄如紙衣  
食將求人不如求自己況有小弟妹重擔方未已爾父  
已半百知有幾年紀就令父長勞爾心忍出此無功得

溫飽古人之所恥

二十五登第四十五服官中間二十年備受飢與寒初  
亦學任俠揮金以爲歡奔走百不遂始識世事難卽今  
守薄祿清貧非所歎誓將歸教子忍飢長閉關又困於  
宿逋望鄉不能還惟有呼負負老夫復何言

隱居寺詩

有序

予嘗題隱居寺楹聯云隱者爲誰歎當年滅跡  
銷聲一笑世爭名下士山僧無恙證此地前因  
後果數來吾是夢中人蓋疇昔夢一僧導遊山

院及到隱居寺則夢中境也因撰聯語記其事  
而意有未盡復作是詩

我性雖疎狂作事頗務實未敢輕說夢何況說夢佛惟  
其無此心此境忽幻出是有前後因安可以不述陽豐  
西城西傳有古檀越我來已三年咫尺滯游轍日者過  
山門逕然入禪室路旣如已經僧亦似曾識坐久心茫  
然忽復大悟徹是曾經臥遊所歷記一一豈料夢中境  
竟於眼前得三生緣易辜半日話難釋因問寺何名隱  
居此陳跡隱居者爲誰姓名則已佚而寺以隱傳居士

必絕特或成霖雨功乃慕煙霞窟否則不世才終身歎  
抑屈萬慮盡了了思與老僧匹仙佛皆英雄羣超而倫  
軼奈何一卑官我獨苦羈勒既無功於人又不自食力  
進退兩無權居士定笑煞欲覺宰官身卽佛作法說將  
我入青雲滌我俗心骨又復示真境使信非虛寂浮生  
本大夢夢醒卽白髮嗟哉我夢游游過隨夢滅能游不  
能居對山徒太息佛前爲此詩聊作後證質未悟去來  
今且誌年月日

遊隱居寺四首

真境何云夢偏緣夢結成樓臺彈指幻雲水得心清莫  
問河沙數誰無香火情朝朝茶鼓響忙裏不曾聽

神山誠不易卻任往來頻城影宛在水市聲能避塵北  
邨前代客西笑異鄉人坐我竟何處蹉跎愧此身

居士幽棲宅先生舊講堂

明薛貞襄鄒東廓錢  
緒山三先生講學處

春風自

庭草殘日幾滄桑且結陶公社休荒陸氏莊何須歎零  
落本不是名場

豈不懷清與其如難俊遊恐勞守戶鶴思引過橋鷗萬  
樹黯無路一燈明有樓浮生幾佳夢去去重回頭

辛丑四月四日作

烽火驚疑玉石焚，望鄉無計唱從軍。  
重關疊隘原天險，毒霧蠻煙奈海氛。  
但主和謀防誤國，已開邊釁敢論勳。  
明明寬大頻

頒詔，未必愚頑竟罔聞。

陡傳城下滿旌旄，倉卒兵荒豈易逃。  
十郡劫殘關地運，六軍權重要人操。  
艱危正倚天邊劍，歌舞偏誇日本刀。  
一片雄心聽不得，蛟門濤接虎門濤。

商於六百便成空，敢道持籌術未工。  
要結古難行海外



勤勞今復拜雲中天驕氣能真如火河伯威靈亦借風

早晚樓船飛捷報久聞楊僕是英雄

時楊果勇侯芳督師初到軍聲大振

經年愁緒苦交加薄宦辭鄉只自嗟慷慨已慚身報

國亂離誰敢夢還家矛頭浙米心先怯紙上談兵計亦

差誓墓無成今始悔荒涼墳樹泣天涯

### 飲馬行

神龍天降世所無不信好馬來自胡權奇已貢大宛國  
桀驚卻笑鮮卑奴選入天閑頭一匹時平不用轉蕭瑟  
此身屢蹴交河冰舊時曾飲長城窟雄心鬱勃不得低

忽看駿影飛檀溪氣吸長江有餘勇踏破十丈青琉璃  
馬兮馬兮吾語爾爾行一日能千里爲我家書寄一紙  
我家南海海氛起海濤潑天海山靡馬兮努力飲此水

關提督

天培

關提督督水師水師險隘提督知海門肅靖威名馳惜  
哉捐軀在蠢夷我聞當日公臨危乞兵不與糧不支權  
重豈受他人羈安得謂公非失機失機不失待論定我  
愛公能不惜命

朝廷功罪且勿分能不惜命卽予恩重公卹典榮後人

我願公爲百粵神生不滅夷族死定褫夷魂提督生夷人懼提督死夷人醉懼兮醉兮何足異所異能墮夷人

淚

聞夷人哭祭

聞粵中寇退

亂後無佳想危中忽壯圖艱難籌國計僥倖辟兵符不死疑非福雖安勢亦孤兩年未一捷此信果真無

明明師滅寇未滅豈宜休天意憐驕子人情袒故侯亂軍徒瓦解

聖主白金甌送客還鄉井翻令涕淚流

寄懷鍾輝山同年

壁光

仲蔚蓬蒿久閉關無端烽火震征蠻劫殘海國繁華地  
焚到先生著作山慷慨倘揮長鋏劍倉皇竟唱大刀環  
一庵定後心如佛

輝山久  
館庵中

知否勞人鬢已斑

寄酬招月航廣文

廣濤

冷官蹤跡熱襟期聽汝清歌爲汝癡一別已成歧路客  
廿年重憶愛恩時

同爰知於傳  
石坡先生

鬢邊霜雪花前酒壁上

塵埃篋裏詩敝履遺簪無限恨不忘斯意待憑誰

一自鄉關戰氣氛南園春事不堪聞風流頓盡誰爲主

故舊無多幸有君熱念焚如攻陣火亂愁堆比壓城雲

元戎小隊仍花柳且向歡場整一軍

答來詩之意

寄招銘山大令山左

弓車消息問良朋百里曾傳赫赫聲天下安危先郡縣

書生戎馬是功名

濰縣馬逆滋事銘山平之即調補斯缺

風波海島萍蓬

客烽火家山草木兵往日酒龍詩虎健指揮能否破愁

城

孺亭滕閣舊流連捧檄今來轉惘然案牘憂勞聞過錄

詩書情味諡豪篇了無長進三年考豈不懷歸二頃田

慚愧吹竽吾已濫治齊能政讓君先

思鄉

刀翦家家似割腸秋來爲客倍思鄉夢中南國煙花部  
亂後西風瓦礫場鴻雁有書音易斷蛤蜊無語事堪傷  
粵臺枉說爭雄地誰弔劉王與越王

憂旱

旱苗疆作穀實歉味不滋低首取實嘗齟齬頻縐眉亦  
復堆黃雲滿目愁枯萎愆期卽補雨人色已帶飢

夜夜步中庭仰首見電影便作雲霓望徬徨走引領回

頭覺僮僕課雨似有省遠近不可知早晚應必準聞言  
向雨師亟亟切默請縱不遍我田慎勿出我境

五更出縣門犯露行田中秋氣已入骨溼鬢寒生茸田  
禾如貫珠潤澤垂濃濃造物本無私雨歉露或豐但期  
物有濟晴雨皆天功撥禾見田底龜坼仍橫縱思之不  
解愁陡射紅陽紅

往見桔槔愁今見桔槔喜雖然是旱物謂此尚有水老  
農及稚婦雙腳走不已我見忽生感農兮吾與爾我走  
半天下爾走不出里胡爲日勞勞皆爲飢驅耳

鄉館秋懷

出郊天氣送淒清，薄薄衣裾滑滑行。  
舊雨情長今雨短，來雲身重去雲輕。  
荻蒲夜火江鄉路，禾黍秋風古縣城。  
永豐古縣街爲三國時吳陽城縣舊治莫讀蘭臺騷客賦，豈應悲怨過平生。

孤館蕭條晝掩扉，靜中愁動轉依違。  
亂思安飽殊非分，老戀林泉暫當歸。  
海燕有家梁棟穩，野鴻無主稻糧微。  
黃綢便擁心寒甚，翻憶王章舊臥衣。

度窰嶺至絕頂小坐山亭偶作



此亦孫登舊嘯臺有人長歎坐雲隈林亭只覺與天近  
車馬不知何處來巖石未平皆塊磊風沙纔下卽塵埃  
頻年勞甚愁摧折擬向山神便乞骸

題徐東松明經

湘潭

詩集

長風吹天浩浩雲鳴塵土在地誰聞清聲清聲何如正  
始則有羣鴉暮喧老鶴低首松屈斯勁蘭幽斯馨抑節  
禁薰天意冥冥昔我採藥身行十洲非無靈根閱不可  
求明明如月不避煙霧愁紅怨綠何如守素鄭衛聲新  
聽者如雲古調獨彈空山無人

定襄二節婦詩

二詩爲吉安郡尊李子奮先生命作郭李氏先生之妹牛鄭氏先生

之感

郭李氏

一鐙熒熒鬼瞰室昨日同室今異物若使變形遂變性  
世閒安有忠貞骨我聞郭李氏德性潔且溫嗟哉早喪  
偶弱息惟女存不死謂夫有雙親豈知親亦隨夫捐况  
毀爾室奪爾田飢驅寡婦不出門大歸長跪奉母前  
獨非母誰能憐夫婦倫孤有兄弟依兄代兄將母計廿  
年客久供一官別母賴妹得母歡母顏雖歡意則戚兒

自崢嶸女悽惻門楣終耀卓可風生賢女與生男同君  
不見列傳流光照史策節婦節比忠臣忠嗚呼節婦節  
比忠臣忠莫使巾幗羞英雄

牛鄭氏

少作孝廉妹長作孝廉媳孝廉以孝教節孝婦能識厥  
婦曰鄭女于歸牛氏宅十九正妙齡忽然悲影隻影隻  
誠足悲堂上况衰白子死子無子何以代子職痛夫體  
夫心繼子勉行役誓將報顯揚豈獨謀衣食飲冰茹檠  
心五十年如一嗟嗟我先人兩世樹貞柏

先大母先嗣  
母皆奉旨

旌表  
節孝賤子愧不才未克光先德賦此節孝詩潛然感類  
錫

### 聞汴梁河決

黃河從天來勢將捲地上天去州青縣白一時無但見  
滿天水氣昏黃結愁霧昔我行役臨汴梁倏隄結宇如  
危牆神龍出海魚在釜野烏瞻屋燕處堂嗟爾汴民得  
安堵誰識

聖人心猶苦年年十萬水衡錢爲爾斯民爭寸土一寸  
決裂千丈彊眼前禍水誰濫觴

朝廷遽已愁水利書生敢復陳河防渡河回首已陳迹  
萬里傳聞忽變色長吏無官有家室獨爲斯民長太息  
吁嗟乎河伯何不仁卽今檄傳平海豈未聞乃以河虐  
助海氛豈欲盡驅水族凶殘人蠻鱗頑甲何紛紛嗚呼  
安得斬蛟周將軍

章江舟中遣春

偶談泉石便開顏况住煙波畫舫閒百事已爭奔浪急  
一官聊借阻風閒又隨鴻爪畱餘雪忽聽鶯聲想故山  
慙愧桃花潭上水照人清影入塵寰

會到滕王閣上頭盪胸常湧大江流重偕去國辭鄉客  
來繫乘風破浪舟雲樹得時俱變態雨篷何地不離愁  
茫茫榮落君休問百種花開總一洲

### 猛虎行

我欲騎牛不如騎虎騎虎雖危騎牛不武射石没矢武  
力駭聞假虎亦驚胡爲將軍

虎若食人世何多虎不食人畏虎云何爲鬼爲蜮虎  
形不一白晝橫行獵夫氣失

石公祠次李子畚郡伯

銘經

韻

石公名家紹山西  
翼城人官江西瑞

州府銅鼓  
營司馬

郡縣瘡痍賴拊循使君名重早稱神淒迷舊畫音容遠

新城士民  
圖公形像卓犖豐碑事蹟新胸次已羅今古籍手中曾

活萬千人江洲便是河陽地轉惜看花未及辰祠在百  
花洲石

公宰南昌時  
予尚未來江

建廟官民共醵錢如公家國總堪傳政成

褒典君能錫入祀  
名宦義重殘軀婦亦捐夫人投  
水以殉無力歸骸

羈異地有人墮淚說當年同官我况爲同譜公與詢爲  
鄉試同年

卻弔遺蹤一惘然

李寶之明經瑞寄示新居詩賦贈

扶輪大雅有文章敢說青蓮但古狂  
謫到神仙天寂寞  
閱殘湖海客蒼涼  
買山未定逃名計  
築室先求避俗方  
便欲賦閒閒不得  
一生長爲著書忙

久耳門多長者車  
解來問字或非迂  
我尋吳郡新詩卷

寶之蘇州人

人道高陽舊酒徒  
未必座能容俗吏  
不妨市亦

著潛夫蒼官骨格分明在  
堪比昂藏七尺無

承畫丈幅鉅松

出城

春遊亦殊好豈獨爲催征雨久  
僕愁路雲忙官出城回



頭問書酒揮手掩旌旌漸與老農熟客來呼送迎

卽景

村里復村里沿途迎眾芳春光正好野路不嫌長山  
水一家綠黍苗三月香停車欲清話恐礙課農桑

小縣

小縣喜幽僻地閒天氣和雲消覺山瘦雨足得灘多無  
事且攜酒有田皆種禾邊郵方報警爾不識兵戈

流民歎

咿啞嘲哢雜笑談赤髮嫗婦顰面男少壯肩頰走負擔

不能走者擔以籃忍寒寂似銜蘆雁救餒喧於食葉蠶  
生人無家鬼唧唧富兒閉戶貧耽耽嗟爾流民胡至此  
云是漢江遭大水走遍天涯非得已填城溢郭入村里  
民艱敢怨天心苛生殺有理或不訛深谷高陵古難料  
離鄉去國何其多我見流民倍悽惻十年忽感飄流跡  
記從樊城下漢口一日水長一百尺蒼黃入夜變漆黑  
明月亦沉暈斗壑隱隱孤屋欲投船譁道危樓泊不得  
移船轉纜掛樹顛破曉開船樓已失吁嗟此景如昨日

夜起

無窮生事擾忽悟宿山溪客夢一何雜蟲聲百不齊久  
勞無疾病將曙轉淒迷仰首發長嘅壓人星斗低

途中大雨醉後放歌

黑雲翻雨天潑墨千山萬山黝無色雷公把火閃霹靂  
照見峯頭老蛟赤飛厓走石疑陸沉度阡越陌愁畔侵  
老農抱溼作飢語雞犬嘲嘶頽龍吟停車漏屋僕雜遝  
危牆欲避無處立忽聞喜語報乍晴爭道殘田補猶及  
開門看雨真快哉酒亦如潮泛澗淮酒酣笑呼老農來  
雨不傷禾應百杯君不記道光十五六年事半年不雨

旱赤地路有醉人羣詫異

雨後山水暴發夜起有作

陡聽狂濤夜倍驚居然虎鬪與龍爭粗沙大石磨何物  
破釜沉舟笑此聲湖海久經終帶怯巉巖無限豈能平  
山堂正取陰符讀忽動金戈百戰情

越日遂有耕農數十餘人告暴漲冲壞田畝感歎  
復作是詩

一聲驚報百憂侵馬首咨嗟怨雨淫瘠縣望年豐是玉  
老農惜土重於金况聞多事傳河決

時汴梁河決

肯任無端

致陸沉我已無田飄泊慣看人飢溺轉難禁

宿潭頭

崎嶇如此路偏爾不辭遙天濶容山悍官卑讓俗刁寒  
鐙估客市亂水野人橋莫更愁摧挫年來慣折腰

橋碑

石橋石作碑碑石多於橋橋一碑數十碑在橋屢凋何  
不取眾碑磊爲橋一條故碑名未滅新碑名更雕新碑  
何崢嶸故碑何寂寥早知終受踐悔把名姓標新碑復  
故碑循環如長消不見功德頌語語千載遙轉瞬道旁

石敲火供牧樵石固無不泐人事空煩惱

鄉女

步出東城門有女迎門中衣裙羅或布簪釵金復銅膏  
澤恐未泯手戴山花紅自云鄉女子稱豔眾口同今來  
入縣城足與羣豔充城中皆一尺已亦髻蓬鬆城中愛  
大袖已亦衫搖風顧影方自憐嘲語聞喁喁鄉女轉不  
解極力仍修容還鄉忽大歎掩淚歸房櫳裝束不合時  
嘖笑難爲工浣紗且溪頭安用吳越宮

水南

偶息塵勞得地偏  
水雲佳處輒流連  
催租直到魚蝦戶  
始恨無錢買釣船

隔溪三五野人家  
澹澹炊煙淺淺沙  
暗渡韶華誰悟得  
水南荷葉水東花

催科述事詩

有序

豐邑橫亘四百餘里  
催科周厯殆遍然不能戶  
戶到也每詣一鄉駐中路  
以名刺請附近各姓  
紳士具限完納湖頭村有  
秀才請不來老吏欲  
了事懷予刺往且以轎迎之  
卒不來老吏作色

曰堂堂縣尊傳一秀才不得耶秀才曰莫說縣  
官營兵便如何予聞而愕然既乃憬然悟曰秀  
才言是也一行作吏百爲束縛令人氣短誠不  
如營中一卒猶能曳鐵義荷膠竹弓顧盼作英  
雄語也感歎作催科述事詩嗟乎縣令之難催  
科特其一耳

去年一分今二分

奉新令州縣錢糧歲解向不足額上  
者今皆比較往歲以次酌加分數

官檄縣縣檄民

朝廷恩重屢議復此急如火良有因海疆妖氛正不靖



國帑動撥千萬緡古輸邊粟義敵愾况完爾賦衛爾身  
嗚呼急公尚責民官敢自憚勞風塵自從二月至五月  
奔走面黑皮肉皴太吏只恐縣不力百姓乃嫌官太勤  
憶昨輕身入山險不成村落炊煙昏吏胥指此亦欠戶  
呼來目裂聲信信我耕我田食我力官長安得名一文  
幸有老吏善解事摒擋急請還轅輪因思問稅都人士  
額雖不足詞尚溫豈知秀才更哭兀以禮致之卻且嗔  
謂此白面書生耳弱怯文吏何足論弓旌可畏乃招我  
懷刺欲滅空投人卽看進退且無據豈有威令還能申

已愧名標百夫長安用筆掃千人軍養兵得飽厭梁肉  
量爾窮吏難等倫我初駭聽轉悟歎語雖怪傲情則真  
眼前只問錢穀事胸中肯信兵甲存宰官奪魄武夫笑  
有似臨敵受幘巾歸來放衙掩面坐不敢語恐妻孥聞

### 生朝書感

生涯從古類飛蓬墮地伊誰敢論功別路三千長作客

古人四十已稱翁

歐陽公作醉翁亭記時年四十耳

讀書虞夏周秦漢

閱世冰霜雨雪風可惜經營無一事歲華回首太恩慙  
亦有心期苦未成轉慙捧檄負生平已無親養奚言祿

幸是官微不算名一醉抱琴聊此意十年彈鋏竟何聲  
無窮家累思家世也要人知伯虎清

中年哀樂屢傷神况復鄉愁阻問津城郭亂離非故土  
妻孥談笑半新人卽求溫飽償何日轉爲艱難惜此身  
清簟疎簾長夏好稍閒聊勿話風塵

百花深處喜開筵憶着佳遊輒莞然或者蹉跎能補壽  
更將吟詠當編年故鄉風日濃於酒往事賓朋散似煙  
便不聲華須豔福紅棉臺榭素馨田

鶴舟畫罌粟花見惠題二絕句

阿芙蓉毒流中國

阮相國句

聞道根從異域來，竟是人間烽

火樹。此花雖好，不宜開。

況驚兵燹，歎無家薄宦，塵勞負歲華。五斗折腰，庸得已，愧君還贈米囊花。

### 西洋八音盒歌

自從粵海通關，權鬼船入市，珍錯落中有鈿盒，最稱奇。  
云是西洋小吏，樂盒藏夷樂，備八音，八音既備，巧力深。  
絲竹匏土革木石七者，不用惟用金百鍊之鋼，轉銅軸。  
軸上小釘，按音曲釘，撥金梭如爪爬，推手作琵琶，合手琵琶。

夷工得計逞詭秘樂不求精但矜異自爲節奏自始終  
聽似天籟俱人工富商買得宴豪客酒醉無端誇合拍  
吁嗟音樂情易移平生不解解好之嗔諧焦殺尚沉溺  
那堪別調聽胡兒我聞功成作樂古所重周宣石鼓平  
淮夷論勳可致龜茲樂失德乃動漁陽鼙倘將歌舞爲  
戲具遂恐戰陣皆兒嬉姦聲亂俗况猾夏此物雖小宜  
防微不然正樂魯中喪夾谷安用侏儒麾

與符雪樵招鶴舟飲酒

招子我同里少未與面謀符子各天涯卻得先唱酬符

子何磊落招子何溫柔二子要皆有真性謂我亦不殊  
薰蕕世無知己甘寡儔有則傾吐期無廋我愧不能督  
八州又愧不能守一邱居家不如馬少游入市不如韓  
伯休二子愛我偏殷優狂癡豈亦如我不別久驚喜來  
羊求放談縱飲飛觥籌是時月上東海頭似帶海水乘  
雲流高寒方夏氣已秋仰天不覺生悲謳我爲二子浮  
大甌丈夫離合非所憂我今局促一轅牛君正浩蕩萬  
里鷗或出或處皆有由不必苦披五月裘

將進酒

四座且莫喧聽我酒言酒不能言幽憂煩寃化爲懷才  
蹇士茹恨王孫寂寞聖賢之地奔走王侯之門語不得  
吐復不得吞怨氣鬱鬱達帝闔帝乃命歡伯使合歡盡  
招懷奇負屈之豪傑一一導之俾暢所欲言灌夫罵坐  
焦遂驚筵既醉把酒復問天緣何便致太白渴大笑且  
勸長星尊悠悠世事誰敢詢此中但飲則已傳看劍三  
尺著書百篇念死不到劉伶土而生澆趙平原

感舊四首

劉三山

華東

理學風流兩不違近來名士似君稀人情老愛小兒女

吾道窮歸大布衣

吾粵有富商入祀鄉賢祠三山偶首攻之既撤出己亦被議

玉洞

桃花終是幻鐵山梅樹豈能肥

三山沒一姬曰鐵梅繼又沒一姬曰小梅痛甚

遠損生

纏綿到我今慙甚無計還山淚暗揮

予謁選入都三山贈別有

句云臨歧我亦填胸淚可以還山便早歸

黃秋浦言藺

幽怨何能達帝閭哀歌空學楚招魂便罹密網疑非罪

早棄卑官怕受恩衛玠雖生愁易病嵇康終死事難論

味鐙心跡宜長夜隱隱南樓白日昏

秋浦所居曰味鐙樓



杜玉田

昆

如此才無四十春窮途一哭遂終身已難位置容寒士  
敢爲文章想替人直到九泉知己淚不畱一字老僧因  
玉田所著半爲人攫去餘無幾臨終亦盡焚之便來執紼吾何忍憶著遺言倍  
愴神

陳元圃

超

纔返都門下第車阨才天意更何如誰任老母飢寒責  
忍見良朋涕淚書

得鄒蓉閣書始悉惡耗

文字蓋棺憑論定風流

轉塵憶談餘功名未立知交謝得不因君壯志虛

哭謝金溪

識君三十年屢見君榮落千金致輒散一意任揮擢性  
豪實多疎君自不知覺得天誠獨厚世則謂君薄窮極  
來投我此是平生約聚首忽五年正喜恣談讌歡會情  
不長痛君赴冥漠憶君初病時偶感寒熱作服以清涼  
散自可得安樂君謂世無醫率臆妄用藥同儕勸不願  
卒之自戕虐卽此見君性與世多偏駁吁嗟今已矣事  
固難測度依我令君死我得無愧怍獨掩天涯淚爲君  
視衾槨

輓黃恕齋道人

中歲不得志寄食依道人道人頗愛我見我窮不嗔我  
卻甚粗疎規矩不能循屢感道人恕益見道人真深負  
道人意出山入風塵道人亦不顧一去埋白雲回首舊  
丹房可望不可親

道人少貧賤性不受範防壯以俠起家游戲酒食場未  
老忽大悟入道如還鄉寂寞垂廿年藥爐經卷旁我時  
招與語亦復眉飛揚追述少年事或歌或悲傷有如老  
將官厯厯數金創

道人不學仙但學仙飲酒卻於酒之外嗜好一無有我  
侍道人旁竊願作酒友道人啞然笑聽語但搖首我不  
解其意亦取杯在手俯見眾皆醒道人真醉叟

中世士大夫仕宦日逐逐皆謂家無田不得不求祿曷  
不觀道人有田有廬屋棄之如敝屣悟道從所欲妙在  
不識字丹書任擱束嗟嗟士大夫萬卷曰能讀

道人今既往傳道乃無徒自非張畱侯誰愛黃石書書  
亦不必愛但取道之腴飲酒與食肉皆得歸仙都堪哂  
頑鈍子終身守藥爐我今哭道人道人翻笑呼

老牛

家家禾黍盡登場眼見功成臥夕陽卻笑耕田惟食草  
不知何事替人忙

寄酬陳仲卿廣文

曇

聞道陳無已於今尚閉門賓朋幾北海風雅此南園才  
大一官冷身危吾道存

吾粵有富商入祀鄉賢祠廣文力攻之幾不免

論文懷

故舊何處約傾尊

抵掌休談世關心卻寄詩

廣文有偶獲異聞還抵掌縱談時務豈關心之句

故

鄉經亂後老屋想吟時江水去不極嶺雲生亦奇勞勞

吾已悔贈語憶臨歧

看蘭與雪樵鶴舟同作

早稻已報熟秋蘭剛吐芳  
眾人皆有飽色予亦生心香  
種花縣令事花時常苦忙  
及茲得佳賞入座饒風光  
會約素心人相與樂豐穰  
天下正多事安得頻舉觴

聽李客彈琴歌

客名汝饒廣東新會人

客有不樂汗漫游百錢絲桐一葉舟  
輕身偃蹇大江去水聲絃聲浩浩飛上江  
天樓十年書劍不得意入海英雄例抱器  
天驚石破是何人鐵綽銅琶曾此地我亦行

路傷勞薪與君焦尾同此身相逢豈止問鄉井知己儼  
復來風塵感君不棄爲我陳軫徽熨貼勾踢勾古調不  
傳世風下識曲知爾心酸辛聽君初彈梅花弄春山習  
習天香送忽然塞上秋鴻飛雁迴人遠客未歸一聲幽  
咽關山斷子卿節苦昭君怨一聲激昂發長歎世閒復  
見廣陵散再彈再轉調不窮美哉異曲而同工無端彈  
出普庵咒律以元音卻乖謬自從佛法入中國羯鼓胡  
笳啟爭鬪爲君琴言君且停海天吹妖風正腥我聞絃  
歌可以退甲兵願君一鳴天下驚明知殺伐非好聲要

盪淫奇桀傲之變響一一撥之使正歌承平

夏月曝衣得先祖所遺敝裘

敝到不能典箇中衣始安一裘三代暖五月幾人寒齊  
相儉可久阮家均亦難年年勤護守好作故氎看

送夏

平生有熱念百屏不得去卻念趨熱客去亦不肯住隆  
隆南陸來赤帝秉威馭權重勢炙手欲退豈易遽嘲哂  
聞蟲聲微茫見雁路萬物各有時勸駕徑須赴我今便  
送夏夏卻歸何處遙望空山中鬱鬱尚炎霧



壬寅七月十八日作

操盡魚鹽蜃蛤鄉乘閩播粵又蘇杭空懸一壑爭天險  
鎮江已見三年伐鬼方波浪驚人奔白馬樓臺滿地劫  
失守紅羊金山玉水鐙船夜誰道西湖是戰場

料得蒼生萬首翹此邦人物半當朝地緣王謝名家重  
劫要幽燕老將消奮激三千潮後弩荒涼廿四月邊橋  
阿蒙木自懷鄉土義況勤王豈費招

錦繡南朝豔帝州才華誤國昔貽羞何人鉅痛忘嘗膽  
往日清談笑點頭采石蘆花誰弔古白門楊柳易悲秋

過江人物知多少溫嶠應慚第二流

半壁山河勢豈孤簡書何至畏防胡登臺幾

平聲

見遊麋

鹿入座真愁唱鷓鴣伍相仇讐從古有檀侯忠憤問誰  
無書生亦備籌邊筆不畫吳山立馬圖

### 送符雪樵遊楚南

江邊風葉鬢邊霜送子淒然渡岳陽三楚精神非綺歲  
九歌哀怨况離鄉傷心蘭芷多詞客滿目蘆花是戰場

時楚中鍾逆方定  
外夷尚擾大江

莫弔長沙須自愛從來卑溼屬南方

贈言珍重書紳無地堪容兀臬身縱不干時須入世

未能諧俗豈娛親推袁自古成何事薦禰於今尚有人  
倘見君山勞問訊舊遊曾已倦風塵

拔黑戲作

落落鬚眉遽如此吁嗟白面書生耳白多黑少竟拔黑  
要作人間大老子紫髯碧眼固丈夫黃鬚貴亦鮮卑奴  
從來論鬚不論色匹夫之勇烏獲烏世間怪事乃不一  
甚至染髮媚側室美人脂粉尚嫌汚英雄面目安可失  
眼前黑白紛交加不若恂惛純無華生來雖似綠坡竹  
拔去真同墮溷花從此天然畱素質不與凡人較黔白

老良或者老更良馬氏白眉好顏色

紙竹美人歌

愛到紙美人符君有真趣

符雪樵見美人圖無不愛者

妬到竹夫人

徐君有奇句

徐東松有多情妬到竹夫人之句

愛妬兩字迴環生二君

與想仍同情非愛何由妬能起不如應知愛尚輕噫嘻

美人紙竹耳二君愛妬亦如此自謂鍾情與世殊竊恐

情終遜竹紙漚竹爲紙紙卽竹粉身碎骨同生死愛妬

無形愛始真此語莫問登徒子

表湖

僻縣此最僻探幽補縣圖廬稀不成里市遠竟忘沽飽

飯思佳節

窮民多食薯芋或年節始得一飯

施茶息熱途絕無煙水景

何事地名湖

風風復雨雨溫肅了無端霧散千花毒雲生五月寒水

真龍不測

雨天山水倏長倏消一日數變

人與鳥相安一事嗟工織無

衣卒歲難

布客多集良村墟收布而居人衣不蔽體

亦解山蠻惡其如頑性何歡撾都老鼓憤動室人戈秦

越情原異龔黃法不苛有官資近撫或免犯條科

設表湖巡

司檢

况復論文獻先難辨土方

民少上著皆異鄉人  
流寓開墾遂家焉

有人趨

地利無客破天荒

自有表湖以  
來未開科目

博士堯可惜參軍蠻亦

常忽驚來問字白面好兒郎

窮荒開不盡世世業艱辛一樣賣茶客

多種茶樹  
採子為油

百年

種樹人無田偏有稅

奸民賣田畱稅圖重  
價賦欠遂至纍纍

重利輒輕身

茶山區稅利厚土  
人爭占憤不顧身

國息尚可緩債家防見賸

重利盤剝  
貧民畏富

民如虎  
可欺也

豈遂絕情好佳時仍野遊無詞歌宛轉隨意語鉤輒煨

芋餐頑石湔裙渡亂流偏能識官長士女壓牆頭

月黑不辨路聞言知客行沙腥騰虎氣雲重闕厖聲零  
落楚三戶崎嶇蜀一程戒心差幸免多謝歲功成

濯足圖爲駱秋樵丈題

我亦滿腳塵見君愧不已走遍天涯豈好勞欲滌此塵  
無此水我生託跡南海頭廿年追逐湖海遊三千弱水  
不得渡七十二泉曾久畱於今尚飲西江水回首舊遊  
鴻爪耳未能踢倒太白樓無端飛下王喬履先生清福  
行地仙要尋雲水洗俗緣興來更着東山屐歸去便泛  
西湖船時將歸浙四海逢君爲君壽有腳陽春仗君走肯作

隨波逐浪身屢施拯溺扶危手次先生雖戀滄浪流  
蒼黎待澤豈得休行將萬里展驥足嗟我跼蹐如轅牛  
披圖便慕君瀟灑卻步後塵知未暇一落江湖駐腳難  
塵海茫茫奔野馬

### 古意

掩鏡立塵竈飢來光澤封人言嫫母貴不敢更修容

夢圓圖爲吳小我題

小我此圖爲思親作也其尊君披氅衣太夫人花冠霞帔

相對立雲中旁侍一小女子蓋小我之妹守貞不字而早逝者下則小我倚樹作夢狀

昔我登泰山親見老人峯左右玉女兼金童神仙例有



好眷屬世人累苦不足往往傷心到骨肉天生吳子  
天性真真性哀樂皆天倫披圖轉憶國園地入夢空瞻  
縹緲身天高兮隆隆煙迷兮濛濛若有人兮雲中雲霞  
爲氣兮冰雪爲容羽衣兮蹁跹瑤珮兮丁東攜仙眷似  
欲語兮乃側聽而無從人閒兮望親臺天上兮思子宮  
嗟幻境之不可長兮徒徙倚而心冲慄慄兮神寒悲哉  
蕭蕭兮風木風

八月廿三夜五鼓出城有作

萬戶沉沉夜氣寒獨先羣動集悲歡勾欄月弔蟲騷屑

老屋風催雀紉乾百樣事多愁日短一生情重怕更闌  
行行漸覺村煙起又是黃梁夢後餐

途次秋陰

行路已如此秋陰愁若何天空縱雲亂人老覺風多馬  
影沒平地雁聲來隔河寒松道旁立向晚益婆娑

溪行

已是蕭條候偏饒藹淡天雨餘人影潤潮滿櫓聲圓

五字

竟是黎二樵先生句偶與暗合遂不復易之

秋色似春色今年非往年亟須

返煙濇料理太平船

故里名曰太平煙濇

瀧岡書院呈山長徐荆山孝廉

鼎黃

前賢須後起君合繼歐陽已閱七百載重登六一堂雲  
山如有喜弟子儼成行敢道絃歌化書聲得此鄉  
笑我好腰腳野遊仍不閒廿年逐塵土一角戀溪山天  
下正多事先生長閉關何時隨杖履訪古許躋攀

瀧岡書院懷歐陽文忠公

讀公書籍重公名喜到公鄉倍有情文字已邀河伯賞

相傳龍王借  
觀瀧岡阡表

里居猶動邑人爭

廬陵吉水永豐三縣人  
各爭爲公故里至興訟

天開北宋神千古地借西陽宇一楹

書院旁西陽宮宋  
時道觀公祀考崇

公墳院後常事請朝不朽精靈瞻尚肅當年讒口敢  
改院爲宮並祀公公此

蜚聲

千秋四海仰陶甄豈有如公只尚文在昔蘇黃稱弟子  
至今韓范比功勳  
瀼瀼蘊藻清溪水鬱鬱松楸故嶺雲  
卻憶舊遊關出處瀧岡煙景蜀岡分

予遊平山堂有詩

入里先賢例式閭屢緣問俗得停車微茫古跡朝尋碣  
蕭瑟秋聲夜讀書已愧文儒徒作吏

宋有勅賜文忠公文儒讀書堂轉

悲慈母獨愁予文章忠孝公兼有後起登堂共勉諸

山堂秋夜獨酌遣興

未飲有醉意客孤秋滿堂古人幾高臥今夜極蒼涼對  
此生百感豈能無一觴虛名北斗耳不可挹壺漿

不寐

露重霜嚴客枕單亂愁翻覺熱腸乾何人不倦方三拜  
此際應憐范一寒心入中年歡較少氣從平旦靜先難  
未須秋夜嫌醒眼世事惟宜冷處看

偏是忘情便動情無端哀樂感生平三春蝶粉南州夢  
萬里馱鈴北道聲未掃憂愁憎酒薄自慚形影怕燈明  
勸君莫舞劉琨劍恐有虬龍戶外驚

曉行

百影忽平野蕭蕭衣各單路從夜行曉秋要熱官寒煙  
氣識孤店水聲愁亂灘僕夫惟飽暖豈悟世途難

隱居寺和吳小我

不知居士姓屢上居士樓我輩豈能隱天涯今又秋雲  
山九日曾湖海十年遊歸便學禪寂此言僧聽不

恩江書院雜詩

路入江城十里遙參差樓榭隱煙霄儼看一幅圖金碧  
綠水紅牆白石橋

我亦停車問字來此邦雲物氣佳哉一峯山色雙江水

羅一峯  
聶雙江管領清光不易才

世閒真樂屬儒生到處流連總有情六一橋頭三五夜

記曾乘月聽書聲

雨露無窮歲月新栽培花草見精神十圍他日婆娑蔭

莫忘堂前種樹人

手植新  
柳數株

步月城西橋和鶴舟

江水隔不斷一條通市橋野船官渡口殘柝女牆腰客

久忘勞瘁天寒得寂寥清光莫頻望鄉國在雲霄

書懷

名關利隘總嶮嶮斟酌行藏愧未曾  
百事忙同新婦澀  
一官貧得故人憎  
空教有祿飢何補  
轉恐無家罷不能  
長笑退衙如退院  
身輕誰似打包僧  
年華過眼恨盈腔  
粗辨歸資便返轡  
此地可居非故土  
吾言不食有長江  
池塘夢好尋諸謝  
耆舊風微憶老龐  
一種心情喧更寂  
蕭蕭秋雨打寒窗

機聲鐙影圖爲招鶴舟題

君不見東家嬌嬌好兒女  
白玉爲堂金屋貯  
一丁不識



食鍾鼎十指不動衣羅紵胡爲男兒忍餓作蠹蟲詩書  
何補杼柚空人閒卻見麻神童阿母撫孤悲阿翁阿翁  
學詩成一家阿母解詠求子花心抽萬字入錦段手疊  
數箱藏箋麻停辛貯苦幾寒暑綳繃牙牙初學語似呼  
阿姊助阿兄母淚盈盈方看汝纁車一轉書一篇撐腸  
不覺卷五千五千卷盡都不覺一卷圖存長課學學成  
結束事遠遊弱妹送兄聲啾啾十年老屋寒鐙篝榮歸  
阿母未白頭無田有子母勿愁阿翁不遺十具牛

贈程西山大令

燦策

時官南昌

卓犖聲華重似金知君磨礪與年深伊川派遠能延澤

泰岱雲高易作霖

大令山主人

赤紫正需籌筆畧蒼黎猶識

讀書心萬家歌舞雙親笑特爲承歡一撫琴

郎官隊裏領羣材元箸超超意量恢直以小鮮爲大邑

能知雌伏是雄才期君莫負南州榻記我曾傾北海杯

予客山左最久

他日新猷思舊澤百花長送好春來

百花洲

贈梁俊臣都閫

英忠

生同里社仕同方談笑輸君意激昂不用英雄誰出塞

時調赴軍營未果

甚多兒女却離鄉萬金望信烽連驛五夜論

子真詩存

卷五

三

兵月滿堂慙愧迂儒無壯畧爲丁都護一傾觴